



Xtremeidfjord v/Kari Varberg Øydvin

Saksbehandlar, innvalstelefon

Øistein Aasland, 5557 2322

Tilleggssøknad i samband med gjennomføring av Expedition Amundsen pulkløp 2021 - Hardangervidda nasjonalpark


Fylkesmannen i Vestland godkjenner ein reserve- / alternativtrase for Expedition Amundsen pulkløp 2021. Løpet vert arrangert 25. til 28. februar 2021. Traseen skal ha startpunkt på Leiro, opp Drølstøllia og innover Bjoreidalen. Så følger løypetrasen til Sandhaug, der fyrste sjekkpunkt vil vera. Vidare i løypetrasen til Litlos, men litt før svinga ned på Kvennsjøen, andre sjekkpunkt på Litlos. Så den ordinære løypetraseen via Viersla, der det tredje sjekkpunktet vil vera og vidare til mål på Maurset.

Det er sett vilkår til løyvet.

Xtremeidfjord v/ løypeansvarleg Kari Varberg Øydvin søker, i ein e-post sendt den 6. desember 2020, om løyve til å ha ei reserveløype i samband av avviklinga av Expedition Amundsen pulkløp 2021. Det er tidlegare gitt løyve til å gjennomføre dette løpet i perioden 2018 til 2021 frå Haukeliser i Vinje kommune over Hardangervidda til Garen i Eidfjord kommune (sjå vårt brev av 30. juni 2017 – vår ref. 2017/3251).

Bakgrunn

Xtremeidfjord har trass covid-19 pandemien bestemt seg for å gjennomføre EXA i 2021. For å kunna gjennomføre løpet etter smittevernforskrifter som no gjeld, så vert løysinga å ha start og mål frå Maurset. Dette er for å unngå busstransport, der løparane sit altfor tett.





Arrangørane ynskjer difor å ha ein reserve / alternativ trase med start på Leiro, opp Drølstøllia og innover Bjoreidalen. Så følge løypetrasen til Sandhaug, der fyrste sjekkpunkt vil vera. Videre i løypetrasen til Litlos, men litt før svinga ned på Kvennsjøen, andre sjekkpunkt på Litlos. Så den ordinære løypetraseen via Viersla, der det tredje sjekkpunktet vil vera og vidare til mål på Maurset. (sjå kart)

Søknaden om denne alternative traseen er sendt på ein kort høyringsrunde til Tilsynsutvalet i Vestland – for Hardangervidda Nasjonalpark og Villreinnemnda for Hardangerviddaområdet. Leiaren i Tilsynsutvalet har svart tilbake fylgjande; *«Eg synes me kan tilrå denne løypa som eit alternativ, særleg når løpet føregår så tidleg på vinteren. I tidlegare løyve frå Fylkesmannen er det stilt krav om kontakt med SNO og avgrensing dersom forhold til villrein skulle tilseie dette. Dette må sjølvstøtt også gjelda for denne alternative traseen.»*

Fylkesmannen si vurdering

Det er gitt løyve til å gjennomføre Expedition Amundsen pulkløp ut 2021 sesongen (sjå vårt brev av 30. juni 2017 – vår ref. 2017/3251). No vil arrangøren endre litt på løypa løparane skal fylgje, slik at dei unngår å måtte frakte deltakarane i buss til startpunkt ved Haukeliset. Dette grunna Korona situasjonen vi har no. Søknaden er vurdert etter pkt. 4,5.1 «Ferdsl m.m.» verneforskrifta og Forvaltningsplanen for Hardangervidda nasjonalpark. I forvaltningsplanen går det fram at forvaltningsstyresmakta kan stille krav om løyve for organisert ferdsle som kan vere til skade for verneinteressene i nasjonalparken.

Fylkesmannen har vurdert løyve for reservetraseen for Expedition Amundsen pulkløp 2021 opp mot naturmangfaldlova §§ 8 til 12

§ 8 kunnskapsgrunnlag: Fylkesmannen i Vestland meiner vi har eit godt kunnskapsgrunnlag i høve til denne søknaden m.a. gjennom handsaming av tidlegare løyver til dette løpet. Vi meiner reservetraseen ikkje vil påverke dyrelivet i så stor grad at vi går i mot ei slik løysing. Det vert og lagt inn vilkår om at arrangøren må endre gjennomføringa avløpet dersom det er villrein i området. Dette gjer at løpet ikkje skal gå gjennom område der det er fare for uroing av villreinen.

§ 9 føre-var-prinsippet: Sjølv om vi meiner at kunnskapsgrunnlaget i denne saka er bra, så veit ein ikkje lang tid i forkant kor villreinen står, og kor mykje eit slikt løp vil påverke dyra. Det er difor viktig med nær kontakt med SNO i framkant og under gjennomføring av løpet.

§ 10 økosystemtilnærming og samla belastning: Gjennomføringa av Expedition Amundsen pulkløp kjem i tillegg til den uorganiserte ferdsla som er på vidda, men på den årstida løpet vert gjennomført er det relativt lite anna ferdsel. Løpet går dessutan i god tid før kalvingstida for villrein byrjar.

§ 11 kostnadane ved miljøforringing skal berast av tiltakshavar: Vi ser ikkje at det er relevant å vurdere dette temaet.

§ 12 miljøforsvarlege teknikkar og driftsmetode: Expedition Amundsen pulkløp er eit løp som utelukkande skal gå føre seg med ski. Løpet i seg sjølv krev ingen fysiske tilretteleggingstiltak og elles lite motorisert ferdsel. Fylkesmannen i Vestland vurderer omsøkte reservetrase som ein grei måte å sikre at arrangørane kan gjennomføre eit løp etter smittevernforskrifter.



Vedtak

Fylkesmannen har tidlegare gjeve løyve til pulkløpet Expedition Amundsen for 2021-sesongen, gjennom vårt vedtak av 30. juni 2017 (Løpet skal arrangerast i perioden 25. til 28 februar 2021) Det er opphavleg godkjent ei løype innanfor Hardangervidda nasjonalpark som går frå Haukeliseter, via Hellevassbu, Litlos og Viersla til Garen i Sysendalen.

Vi godkjenner no ein reserve- / alternativtrase for dette løpet. Traseen skal gå med startpunkt på Leiro, opp Drølstøllia og innover Bjoreidalen. Så følge løypetrasen til Sandhaug, der fyrste sjekkpunkt vil vera. Videre i løypetrasen til Litlos, men litt før svinga ned på Kvennsjøen, andre sjekkpunkt på Litlos. Så den ordinære løypetraseen via Viersla, der det tredje sjekkpunktet vil vera og vidare til mål på Maurset.

Løyvet for dette pulkløpet er gitt med heimel i verneforskrifta punkt 4.5.1.d og gjeld med følgjande vilkår:

- Reservetraseen kan nyttast dersom smittevernreglane tilseier at det er problematisk å frakte alle deltakarane i buss til det opphavlege startpunktet på Haukeliseter.
- Vilkår sett i vedtak, datert 30. juni 2017, gjeld og for reservetraseen.
- Det skal etablerast god kontakt med SNO-Skinnarbu v/ Knut Nylend eller SNO-Rødberg v/ Lars Inge Enerstvedt før og under løpet.
- Etter løpet skal fylkesmannen ha rapport om tal deltakarar, val av trase, kontakt med oppsynet og eventuelle observasjonar av rein. Frist for rapport vert sett til 10. april.

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefrist er 3 veker etter at ein er kjent med vedtaket. Klage vert å stile til Miljødirektoratet, men skal sendast til Fylkesmannen i Vestland. Fylkesmannen kan også gi opplysningar om klagerett og rett til å sjå saksdokument.

Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:

Eidfjord kommune

Villreinnemnda for Hardangervidda

Tilsynsutvalet i Vestland - for Hardangervidda nasjonalpark

Tilsynsutvalget i Vestfold og Telemark - for Hardangervidda nasjonalpark

Tilsynsutvalget i Viken - for Hardangervidda nasjonalpark

Fylkesmannen i Vestfold og Telemark

Fylkesmannen i Oslo og Viken

SNO-Skinnarbu

Ullensvang kommune

SNO-Rødberg

Miljødirektoratet